

現成話

四明張氏約園開雕

序

自古忠孝之士以名顯者皆時之不幸者也吾鄉羅孝子岳旣得汪芟湖將構庵爲之傳孝行彰彰在人耳目壽鏞又何贅焉獨恨其時浙東大饑寧紹接壤泛舟相濟通其有無常也氓之蚩蚩鼓騷於西成橋下變起倉卒爲民父母者挺身而出善爲勸解吾知見睨曰消不獨羅氏父子可免縲紲同事數十人囊頭械足大獄何由而興而乃始謀不臧自貽伊戚迄今二百有餘歲卒使羅孝子之名因此而傳然則時之不幸而轉爲羅孝

現成話序

一四明叢書
約略刊本

子幸豈羅孝子之所望哉亦行其心之所安而已矣當夫慷慨對簿知有父而不知有身萬里長征周覽塞外山川形勢徧交其豪傑雪中戴笠拔佩刀割挽肩與客同啖作猛虎詞何其壯也念及明鏡高堂白雲迢遞寄情畫竹淚灑成斑又何悲也天眷孝子得赦旋歸父子團聚如初則尤孝子不幸而幸者也壽鏞今得羅孝子所作現成話其詩也芟湖云詩取達意佳者時入宋人之室詩以人傳固不論其工不工云旣付諸梓因敘論之民國二十二年九月後學張壽鏞序

孝子羅公家傳

汪國

公名品字友山一字品山鄞之西成里人余外祖父也少負豪氣能詩善畫嘗代父戍邊一時識與不識皆稱之爲羅孝子焉先是康熙某年浙東大饑紹郡所屬尤甚當道議以二郡接壤須有無相濟檄郡別駕運米饋之暮夜泊舟西成橋下里民不知以爲客舟私出境也鼓眾截留而沈其餘米於河時變起倉卒勢甚洶洶別駕跳而愬諸上官上官欲捕之而未得其主名則僞爲溫言以慰藉羅氏世居里中公之父綱文公素以德望

現成話傳

一四明叢書

約聖刊本

爲里人所敬至是皆曰牒無羅公名無以見吾輩義舉遂相率以其名上公父子皆不知也及捕吏到門綱文公方欲就逮公長跪白父曰大人老矣逆憲令而抗長吏罪且不測兒請以身代遂往會獄同事數十人皆齏頭械手足蓄縮無人色公獨慷慨對簿以身任之每一集訊五毒參并而公意氣自如終未嘗作呼聲堂上下人吏環列相視無不咋舌歎服獄成奏上置首事者一人大辟戍其餘數十人於邊綱文公竟以獲免而公戍瀋陽矣當是時羅孝子之名聞天下初綱文公以詩

畫負重名如少宰滄柱伏公侍御鹿亭胡公皆樂與之遊而尹盛京者爲蓮山廖公亦雅慕羅綱文之名繼聞孝子代戍亟欲望見顏色一見卽以國士待之以是得周覽塞外山川形勝遍交其豪傑嘗於大雪中握刀戴斗笠跨一白驪踰數百里至蓋州城遇客共飲囊出生彘肩踞地就爐火炙之鮮血淋漓拔所佩刀且割且啖而歌其所作猛虎詞聲振長城聞客各驚顧以爲安得此南蠻子耶已而知其代父戍者因共傳客之竟其役弗衰戍旣久事已浸解公念綱文公老思歸省親已至半途有與嫌者欲首之復留滯金陵者數年本善畫竹及是遇人授以指畫之法藝益大進雖有善學者莫能窺其祕也後得赦旋里綱文公尙健在公怡怡色養盡孺慕歡及卒哭泣毀瘠幾至滅性是時公年已六十矣公性高曠未嘗戚戚於貧賤又敦篤故舊待人不設城府里中有趙毛二儒貧老無依推食與共而前欲首公者亦老困時時周之終其身蓋其盛德如此公於畫學兼通六法而傳真尤善詩取達意佳者時入宋人之室有集若干藏於家卒年七十有七

鄞志稿孝友傳

蔣學鏞

羅岳字友山一字品山其父綱文以寫真擅名岳亦工其技尤善墨竹康熙三十八年己卯浙東大饑而紹郡尤甚販舟相屬米日昂里民因私約禁出境巡道某謂有無宜相濟檄別駕運米饋之夜泊西成橋民以爲商舟也聚眾截留沈其舟于河別駕跳而免愬之上官上官欲罪之而未得其主名謬爲溫言慰藉里人以綱文老投牒列其名于首遂按名捕繫凡數十人綱文將就逮岳白于官請代父庭訊得實爲首者置重辟而戍數

現成話傳

一三四明叢書

綱目刊本

十人于邊岳得鐵嶺衛時尹盛京者爲廖公蓮山知其以代父至優禮之由是得周覽山川嘗騎白驃衝雪至蓋州遇獵者招飲卽相與踞地炙鮮拔佩刀割啖眾驚顧以爲何處得此南蠻子耶詢知始末因其傳客焉後遇赦歸年已五十餘而綱文尙在盡色養復數年每爲人畫竹必題詩其上率意直書其佳者亦時近宋人年

七十六卒

節錄汪孝廉國維孝子傳

現成話

清鄞羅 岳品山撰

清同邑李世澄兆黃校

春遊

枝頭啼鳥報春知
載酒行歌處處宜
莫把韶華輕放過
一年好景幾多時

春日同人郊遊

不須買棹與提壺
結伴行吟興未孤
人到仙時同息息
路逢滑處共扶扶
林花紅白兼開謝
野燒青黃半有無

現成話

一四明叢書
約圖刊本

稔識浮生渾似夢
偷閒那得論工夫

詠銅鑿

時在遼東

甲冑渾身久著名
良工冶鑄儼生成
無腸向絕腥羶氣
多足今停匍匐聲
漫想江湖尋舊路
卻經鍛鍊得長庚
遐觀一似癡呆樣
應免旁人說橫行

午日遊秦淮和壁上原韻

秦淮河名在南京城內
係秦始皇開掘故加秦

宇水
常赤

夾岸樓臺映赤波
紛紛畫槳遠欄過
蒲尊應節斟三爵
角黍投江作九歌
旅恨欲憑遊興遣
鄉愁偏覺感懷多

秦淮縱有非常景滿眼繁華奈我何

冬杪過隱學嶺

湖傍山兮山傍湖蕭條一望盡平蕪
含煙村舍歸寒雀帶月園林集暮鳥
才過小橋逢野寺便從老衲問迷途
故人家住雲霞裏不識今宵到得無

宿隱學寺

乘興遊來值暮時因過梵宇一栖遲
梅含宿雨香偷露柳怯嚴寒綠暗絲
鐘鼓聲聲驚客夢煙霞處處發詩思
當年隱學知誰氏代遠人遙信轉疑

現成語

一一四明叢書

約園刊本

客中除夕

南北東西日播遷淹淹此地卻經年
連宵魂夢家千里一念焦勞詩百篇
爆竹聲聲村裏鬧寒梅朵朵雪中妍
椒漿已爲明朝備預酌三杯帶醉眠

客中除夕

年華一瞬舊還新屈指淹留淚滿巾
邸事祇憑詩有橐衰顏惟藉酒爲春
明朝今日原相似過去將來莫認真
對影自憐嘗自問幾時歸做故鄉人

客中除夕

光陰曾一瞬不覺歲云殘處處桃符換家家爆竹譁銀
錢壓崇易文字送窮難故國梅花好經年未得看

花前獨酌

春酒初濃花正開憑欄竟日少人來東風爲我添幽興
一陣清風飲一杯

中秋感懷

披襟獨坐對冰輪四壁淒涼影與身試問嫦娥今夜裏
傷心如我幾多人

室人沈氏新亡

早行

現成話

三四明叢書

約關刊本

村雞唱罷東行裝踏怕荒郊草上霜只管將心前路去
錯疑樹影是山岡

九日有感

時在江寧

客邸逢秋心更傷今朝又值菊花黃縱然乘興登高去
極目何曾見故鄉

風箏

豈數飄蓬遠遠飛欲同霄漢一爭輝高風直待人瞻仰
卻爲情牽依舊歸

美人風箏二首

體態輕浮脾肉消翩翩飛舞百般嬌雲行冉冉移蓮步
風動微攏柳腰命薄每憐形影隻情長何憚地天遙
凌空顧盼人爭羨恨不魂隨上九霄
勿守深閨愛遠飄空中賣弄逞妖嬌非關命薄輕分手
怎奈情牽瘦損腰長伴素娥甘寂寞每隨秦女共逍遙
自從嫁與春風後爲雨爲雲在碧霄

殘梅

寒梅纔發滿牆東數越晨昏迴不同夢入羅浮原是幻
傳來春信亦成空三分白送連朝雨一段香消幾陣風
此刻若逢何水部又應無句類冬烘

現成語

四四明叢書
約園刊本

自鎮城步歸

畏此風波險芒鞋汗漫行雖然勞足力免得受心驚坐
坐涼亭好看看驛路平詩思忘寂寞日暮到江城

春日遊山寺

纔識名山別有春禪門雲鎖隔凡塵巖花帶笑頻迎客
野鳥忘機不避人泉瀉危崖高瀑布松垂絕巘倒生鱗
幾回欲去情難舍風景貪看坐綠茵

長江夜月

誰憐飄泊異鄉人，惟有多情月一輪。
知我歸舟從此過，殷勤先已到江濱。

贈友人黃舜儀

金陵詩友

豈乏交游輩如君，迥不同略無今世態。
饒有古人風妙論，成金石虛懷見始終。
莫嫌相遇晚，從此藉磨礪。

詠瓦松

時在廣陵

種異巖松節亦堅，寸心長可問青天。
風霜浮控頭容直，冰雪交摧葉色妍。
枝畔久疏玄鶴夢，檐前常與白雲連。
漫云託足渾無地，百卉誰能敢比肩。

現成話

五

四明叢書

約園刊本

歲暮

用白香山春晚詠懷韻

一番歲月已蹉跎，際此殘冬可若何。
筆底生涯只爾爾，人頭債負尚多多。
仔肩自是兒曹事，袖手仍將老朽磨。
道我吟詩心快活，豈知怕鬼歎山歌。

偶興

浮生看破等浮漚，莫爲兒孫作馬牛。
花下酒杯窮快活，畫中詩句老風流。
寡交未許門題鳳，健飯何須杖刻鳩。
情性迂疏由傲骨，硯田博得度春秋。

重陽夜坐

時在雜揚

無風無雨好重陽
獨坐窗前思故鄉
天正高懸半夜月
時還未降九秋霜
弟兄聚散常如雁
兒女啼號應似鶯
自顧自憐形影隻
徘徊恨卻漏聲長

立春日祝友五旬

長庚星耀福東鄰
朋輩爭傳君五旬
同賦壽詩同祝壽
共嘗春酒共宜春
不須自號知非子
久已成稱寡過人
此日期頤剛得半
鹿鳴麟趾看齊臻

尙無嗣故云

七夕前夜

蟲聲初響到茅檐
今夕還無瓜果兼
風送芰荷香細細

現成話

大四明叢書

約園刊本

月穿簾幕影纖纖
無窮旅況杯中遣
不了詩思夢裏占
聞說鵲橋明日駕
一番新恨上眉尖

室人沈氏新亡

山窗偶興

時子被困入山

獨坐山窗看夕曛
勿隨樵牧作同羣
身如密樹深藏鳥
心與孤峯不礙雲
到處但留詩一首
逢人只說話三分
本真名姓全無用
好把牀頭筆硯焚

詠黃蝴蝶

新染鵝黃色未乾
故乘春晝漫盤桓
已銷宮粉顏非素
略綴南金色耐看
水面踟躕隨燕掠
花心聚集學蜂攢

自從夢入莊周後，膾化錢飛不一端。

自注膾俗作脍南
孝廉者善斫膾絲

縷轉可飛起，因會客術，技忽暴風雨，雷震一聲，膾悉化蝶飛去。○唐穆宗時禁中千葉牡丹盛開，有黃白蛺蝶數萬，飛入花間，舉網得之，乃庫中金玉錢也。

舟阻燕子磯

渺渺長江路，身乘一葉舟。阻程風撲面，留客月當頭。覓句消離悶，開尊散旅愁。試看磯下水，今古爲誰流。

題酒鬼墓

墓在金陵之北，固山腰兩旁，多酒樓名。上山居遊人不絕，此鬼極靈，凡飲酒者

必先對墓遙酌，則平安無事，否則非喫跌亦必有禍。

依稀荷鍤恣猖狂，一醉飄然赴北邙。鬼會出名鬼不朽。

現成話

七四明叢書
約齋列本

死能超俗死何妨，清溪水泛堆花色。綠野稻舍踏麴香。

千載遊人皆酒伴，青帘長繞墓門旁。

自注堆花燒酒名，色似溪水，坡詩從

今要踏青州麴港酒，知君笑督郵。

雨窗尹懷治見過

雨雪淒霏度早春，柴門半月絕車塵。忽聞屐齒鳴深巷，卻喜齋頭到故人。有酒不嘗君量窄，無餽可進我囊貧。睽違纔得年餘事，鬚鬢相看各似銀。

悼亡室

室人沈氏卒于金陵。

同憂前路苦奔波，中道分飛可奈何。漏靜客窗魂夢杳。

鏡殘孤枕淚痕多啼猿腸斷聲方絕哀雁羣離節不磨
幽恨綿綿無日盡傷心忍唱鼓盆歌

又成二絕

生死雖云數莫逃何堪異地卻相拋可憐一片團圓月
流入秦淮沒處撈

擁衾獨坐最淒涼想一回兮吳一場漏盡欲眠兒又醒
哀哀向我要親娘

並蒂蓮

蓮開莖上弗孀單卻教詩翁覓句難對對臨風向繡草

現成話

八十四明叢書

一約園刊本

雙雙隨月倚雕欄踰牆蛺蝶爭連理戲水鴛鴦效合歡
幻質令人真莫解一枝直作兩枝看

自注唐蕭復曰雙
我先人聖聊以濟

孀單孀單
謂孀寡也

夏日口占

長夏日如年昏昏若坐禪有書總懶讀無事只貪眠拂
暑憐新竹怡情對碧蓮蟬鳴動逸興拈韻小窗前

雨竹指畫

書畫由來藉管城予偏指下認分明墨池忽湧瀟湘雨
灑作飛泉萬壑鳴

得董宗伯墨楨甚愛之有以真假評者作此以答之

須將眼力認丹青真假如何藉耳聽萬曆去今年二百誰人親見董華亭

偕黃舜儀遊山

結伴穿幽徑青蛭掛杖頭放懷隨處飲乘醉徧山遊得向書崖石忘形臥野陬歸來人影亂斜日過林邱

漫興

不須汲汲利和名靜坐齋頭養性情幾句閒詩新句當

現成語

九四明叢書
約園刊本

一方破硯舊營生光陰流水空嗟老富貴浮雲早看輕隨分隨時隨便過妍媸何必與人爭

花朝喜晴

入春連雨歎無聊紅日初臨物色饒蝶戀殘梅香未盡鶯啼新柳綠初嬌便多遊屐穿芳徑更喜良朋集草瓢不是人情晴不厭一年花事在今朝

茅山曉行

蟲飛初響卽登程眼望行雲四野橫屐襯軟泥淺有跡衣沾細雨溼無聲每逢歧路悲楊子莫怪窮途哭阮生

今識唐詩猶有病斷魂何獨是清明

題徐公三齋頭步陳行六原韻

乘春訪舊友邂逅石橋西好鳥聲傳谷殘梅瓣貼泥堂
虛雲入座筵散月臨溪徐榻慙勤下何妨此夜棲

蛟川返棹

歸遇風潮順扁舟似掌平侵晨離海國傍午到江城老
景慙馳逐浮名任重輕何年忘世慮閉戶樂餘生

答友人寄懷原韻

遙望鄉關雲樹稠年來蹤迹任漂流隨緣一榻棲僧舍

現成語

十四明叢書

約園刊本

好飲終朝上酒樓行李蕭條貧士態衣冠脫略野人儔
不嫌郊外風霜冷桂子香期過我遊

中秋憶亡室二絕

輾轉孤衾夢不成那堪今夜月偏明疑心欲向嫦娥問
人死可能有再生

玉碎珠飛已半年芳魂卽在雨花巔

室人墓在金陵雨花臺畔

冰輪

到處明如許咫尺偏教各一天

黃花供亡室像前

一幅遺真供草堂黃花瓶插勝焚香看他此日幽貞色

憶爾當年激烈腸，珍惜多曾暗滴露。摧殘卻恨早經霜，
雖然寂寞秋容冷。到底芳心未忍忘。

秋夜對月

中夜躊躇對廣寒，霏霏冷露溼衣單。可憐十載他鄉月，
何日身歸故國看。

元日祝黃舜儀五十

椒花釀壽酒，元日祝高辰。運轉陽和美，籌添海屋新。芝
蘭香繞砌，松柏老同春。百歲剛才半，行將稱慶頻。

歸寧口占

現成語

十二四明叢書

約園刊本

十載身漂泊，今朝腳暫停。流光看逝水，故舊歎晨星。松
菊存三徑，椿萱茂百齡。衡門雖冷落，猶勝作浮萍。

寒夜偕二弟由東林寺返棹

休嗟日暮與途窮，一葉將維野寺東。棟樹微開潮正順，
銅盃滿到月方中。弟兄倡和歡無定，字句推敲詩要工。
獨恨未曾製大被，寒威那禁逼孤篷。

自注棟樹在銅盃浦皆南鄉地名

丁卯元旦

六十八

椒酒辛盤祝歲華，案頭重整舊生涯。幾枝畫筆兼詩筆，
數點梅花帶雪花。幸際太平天子世，慙稱矍鑠老人家。

杖藜到處逢迎有蔗境偏佳願正賒

甲辰除夕 四十五

歲月分新舊容顏屢變更人皆忙碌碌我獨冷清清雪裏梅堪折鏡前詩漫成一年惟此夜坐守到天明

春日偶成

茅屋柴扉亂石牆儒家區宇只尋常昨從豪貴門經過不論銀錢巧樣裝

趁船不及沿途口占

暢飲高齋才出門小舟先已到前村櫓聲欸乃隨波遠

現成語

十二四明叢書

刻圖刊本

帆影依稀隔岸存廿里又勞雙足力一身忙得兩頭奔
半生多被貪杯誤舊病原來不絕根

清明苦雨

先于驚蟄發雷聲雨到清明尚未晴鳩婦失巢音慘怛
蝸牛黏壁勢縱橫禁煙爨下空懷古插柳門前亦應名
滿眼韶華狼藉過芒鞋不作踏青行

春日苦雨 六十六

雨雪連綿一月餘春光九十半成虛天桃怯冷紅難吐
垂柳含煙綠暗舒麴蘖生與交最密孔方兄會而偏疏

晴嵐何日飛天際把我愁懷略剪除

自注唐某法善有道術一日會朝官

滿座思酒忽有一少年稱鞠秀才突入座談論不凡法善心疑焉以劍擊之應手墮地化為瓶榼中有美酒共飲而嘉之曰菊生風味不可忘也○晉魯褒見外戚恣橫賄賂公行乃作錢神論以譏之曰錢之為體有乾坤之象親之如兄字曰孔方

紛紛籬落鬪輕盈恰似同胞一乳生殊色娉婷濃閒淡幽香縹緲細偏清眼前縱謂非男子宅外行看出貴甥此日標梅齊欲賦芬芳莫不擅佳名不須開謝論虛盈春老猶能次第生濃抹淡妝神自逸

詠七姊妹花二律

東坡語

十三四明叢書

約園刊本

榴風沐雨韻偏清根穿籬畔尋佳偶枝出牆東毓外甥粉黛成羣三共四難為姊妹渾呼名

僧房七姊妹花

只合香闈與畫欄僧房鬪麗惹疑端風前嫋娜疑成隊月下綢繆怕落單佛固有心能不動僧非無眼必偷看夙根縱謂原清淨李下瓜田究未安

附李杜浣僧房七姊妹花詩此花只合在紅樓何事僧人供案頭姊妹難為誇粉黛四三一色羨風流暗

傷寂寞板盈剝錯愛繁華貯滿甌梵罷偷看嬌欲語依稀勾引小比邱

辛未春苦雨歎 七十二

自笑年來老更癡迂疏情性有誰知
三春寂寂門常閉
儘日昏昏榻未離
覓句口寬心裏急
看花眼飽肚中飢
此身勿藥猶強健
只有窮愁不可醫

雪窗偶興

三閒茅屋野田中
雪趁風威四面攻
繞徑寒梅珠錯落
拂檐修竹玉玲瓏
酒無賒處急當冷
詩未工時豈欠窮
儘日煨爐支悶坐
卻疑身在水晶宮

重遊虎邱

時八月十三日

傍岸停舟上虎邱
風光不異昔年遊
千人石畔還尋句

現成話

十四四明叢書

約園刊本

雙井橋邊再倚樓
歸去故鄉剛半路
算來佳節近中秋
姑蘇縱是繁華地
客況如何得久留

殘菊

寒威幾度減秋光
此日憑欄徑已荒
無復幽香來几席
惟餘傲骨鬪風霜
繁華要識皆虛幻
色相終歸有盡藏
又是一年花事了
沈吟籬畔九迴腸

白菊

非紅非紫亦非黃
籬畔亭亭只淡妝
說到無瑕霜莫妬
看來有影月難藏
寒梅零落終輸葉
禮李妖嬈或遜香

弗受陽和恩一點獨標清白擅秋光

柱姪畢姻

時己巳十月十六日

小登科值小春天紅葉黃花滿眼前三十新婚遵古禮
一雙白璧種良緣西成才子名原著東渡佳人德預傳
高大吾門從此日鹿鳴麟趾看明年

棟姪畢姻

唾手功名已占先蟾宮此夜會嬋娟人皆競詠翁斯什
我亦欣歌燕爾篇好把青衿聯綠鬢定知白玉種藍田
至親伯姪毋相謔詩要風流始足傳

現成話

五十四回帶書

約開列本

挽李山文

鬢別芝顏十數秋山河迢遞恨悠悠我今重訪烏衣巷
山文居金陵開之東巷名烏衣君已先登白玉樓堪歎人琴俱寂竟憑
誰詩酒共縹緲從來勿墮雙眸淚此日難禁似雨流

挽周延慶

亦金陵詩友

聚首剛三載離羣竟十年我今來白下君已赴黃泉淚
向風前灑神從夢裏傳精靈如不昧請鑒此詩篇

補祝杜漢臣五旬壽

梅萼舒香近壽筵稱觴永得列羣仙與君屈指差三月

算我虛名長一年
子生十一月漢
臣生次年正月
算過了夫原有素知
非學問得新傳尋芳偶入鄒溪畔補祝深慙意未專

蘆浦訪舊

蘆江風景似蓬萊處士柴門傍水開繞屋徧栽棲鳳竹
沿隄多築釣魚臺經行幾度曾畱句過訪今朝又舉杯
自歎十年人漸老兒童相見轉疑猜

詠草人

裝束眞如野老身荷戈又擬是眞人漂搖一笠支風雨
晝夜無眠耐久伸逸以待勞可謂智威而不猛近乎仁

現成語

十六四明叢書
約園刊本

論功漫說垂青史博得名稱草莽臣

歸路口占

整帆忽轉石尤風一葉扁舟浪打篷性急翻疑歸路遠
時難莫怪客囊空酒期敵冷沾偏劇詩想抒懷媿未工
堪笑相須相遇者漫勞迢遞囑鱗鴻

遊育王寺

葉落山空秋氣寒梵王宮在白雲端回頭漸覺塵氛遠
入眼能令境界寬妙喜泉香頻品試古松臺靜足盤桓
相傳舍利知何物笑倩闍黎借我看

過謝千秋齋中

在瑞芳庵

羨君饒逸興設帳借禪林屋有三閩半山無一里深老
僧供素飯稚子伴高吟清絕黃昏候書聲雜梵音

大寒節憶庚弟窮途苦況

時子被困雁山寺

休嫌寂寞寄僧房遙憶征人愈可傷凍合關山千里雪
寒侵鞍馬五更霜窮愁客路難賒酒病想家鄉欲斷腸
堪歎真如南北雁何時羽翼復成行

喜庚弟北回

時在武林

征鞍薄暮解禪關忽見人從天際還行李依然前去樣

現成語

七十四明樓書

新刊本

風塵卻改舊時顏一番旅況同予訴半載離情得爾刪
無那相逢猶是客故鄉南望白雲閒

送庚弟歸里用前韻

漫言迢遞隔鄉關帆飽春江指日還好去慇懃傳我意
更須婉轉慰親顏倚門盼望情休切陟岵興嗟淚稍刪
一片歸心千里共相隨魂夢路途閒

武林書懷

自憐兩鬢漸如絲客裏身心倍護持日短頗宜早晚粥
夜長多得應酬詩逢人斯叫終難慣到處鄉談久便知

寄語故園子弟輩粗豪無復少年時

步遊湖畔

閒情片刻欲如何一向西冷一度過保椒塔來湖漸近
錢塘門出路無多眼前美景收難盡筆底新詩吟復暮
神禹當年跡未徧不將半勺與寧波

贈張彥方入武闈

舉世全才莫若君昂躅儒雅武兼文千言倚馬真無匹
百步穿楊更出羣佇看眼前輕拾芥應知足下早生雲
司衡已入鷹揚選金榜名標獨冠軍

瓊成話

十六四明叢書

詞園刊本

夜過

子磯風狂月蝕舟中同程遙厝劉綬人賦

此

江村解纜三三更拉得高朋愜素情月蝕當頭天忽暗
風來撲面橫生迷離莫辨峯巒影澎湃頻令客子驚
試倩篙師詢去路可曾相近廣陵城

渡錢塘江遇雪

觸目江山沂故鄉欣然冒雪渡錢塘寒潮落盡平沙遠
歸鳥飛遲驟路長偈仄肩輿容倦足蕭條行李歎空囊
歸家莫補清負計惟有離情訴一場

同人拉遊光溪予因醉甚詩以卻之

幾杯落肚脚先柔熱鬧場中足嫌投賀老祠前常閱歷
葛翁井畔向淹畱樓頭不異街頭月路裏何如夢裏遊
索性疏慵今且醉小詩聊當脫身籌

偶成

爲薄功名嬾學儒口中從不說之乎遊心一片山和水
落魄多年江與湖酒沒滓渣常惹醉詩無脂粉自然粗
生成情性終難挽牛馬憑人向我呼

秋夜漫成

時在武林

現成話

十九四明叢書

約園刊本

一別鄉關心已傷何當秋夜倍淒涼窗虛斜透銀蟾影
屋小多藏金粟香到老不清惟酒債縱窮難舍是詩囊
半生牢落江湖上那得知交話短長

落葉

豈爲甘溲泊風狂不自由繞窗隨蝶舞逐水伴魚遊句
羨吳江冷情同宋玉愁歸根原有素無復戀枝頭

客中冬至

時在維揚

漫說陽生氣象殊飄零客舍倍躑躅無魚不羨彈長鈇
待免寧教守舊株觸目異鄉驚物候檢囊歸計歎錙銖

此身空逐風塵老骨肉何時一室娛

枯木

老樹經秋早槎枿古院東枝疏不礙月葉脫盡隨風但
得根荖固何妨色相空陽春應有待指顧又生叢

辛未元旦 七十二

青陽隨候轉白髮逐年新老固同人老貧非只我貧
椒盤倍婦女詩句寄交親嬾逐趨承事呼兒答比鄰

遣懷

蓬茅寥落兩三椽時把殘編結帶緣貴則諒來無我乃

現本話

二十四明叢書

約園刊本

貧還不肯乞人憐羞看芳草逢佳節偏效黃楊厄閏年
詩興尚豪題滿壁敢云四壁未蕭然
自注蘇東坡詩園
中草木春無數只
有黃楊厄閏年○黃楊歲長
一寸若遇閏年則退一寸

無題

瀟灑衣冠半舊新家嘗蔬食味偏真曠懷不羨高牙貴
樂志長甘陋巷貧酒蕢一樽偕婦子詩吟幾句示同人
年來頗有林泉興擬結漁樵作隱淪

題走馬鐙

看徧花燈到處精從空更匝一虛營紛紛荷戟連鑣過

隱隱揚鞭逐隊行不用軍威嚴紀律惟憑烽火巧權衡
兒童勿解循環理只道中藏百萬兵

緱城中秋遇雨

緱城卽今寧海縣台州府屬

雲擁緱城雨未收官衙此日度中秋漏聲已下催詩句
檐溜頻添數酒籌座客知音多灑脫主人鄉誼更綢繆
街頭莫訝無明月乘醉何難秉燭遊

九日登龍山

在湖廣荊州府城西北

旅悶思除除甚艱且乘佳節上龍山孟嘉醉後風知趣
桓景遊時禍得剛多插黃花遮白髮頻斟綠醕觀朱顏

現成語

三西明叢書

約園刊本

異鄉勝境觀難再不盡蓬巖誓勿還

金陵遇三弟北回

手足相逢喜欲狂沈吟轉恨在他鄉離愁遠寄詩三首
旅況近思夢一場憐爾容顏豈似舊嗟予筋力弗如常
門閭朝暮雙親望未得承歡共草堂

憶夢

夜深渾不寐敲枕忽三更酒醒寒依舊燈昏月尚明歸
心千里切鄉夢片時成無限關情事愁多記弗清

舟次和張督連原韻

身逐飄蓬四海遊，高朋容接便相投。
尊前手舞渾忘醉，句後巴吟不避羞。
渺渺煙波來筆底，層層舸艦徧江頭。
乘槎自是君家事，引我孤蹤傍斗牛。

客邸聞蛩聲有感

唧唧寒蛩四壁鳴，動人淒楚夢難成。
長安半是他鄉客，寧獨區區厭此聲。

歸路吟

客枕方酣鄉夢驚，凌晨結束便登程。
自憐老去詩囊富，更喜年來酒債輕。
紅樹迷離歸路遠，白雲縹緲故園生。
蹉跎不解子心急，只顧低頭慢慢行。

現成語

三四明叢書

約園刊本

風雪江行一律志險

風狂橫鼓浪雪驟密成團，一葉危如卵。
孤篷轉若丸舟，師力已竭坐客膽俱寒。
羨彼徒行者，身勞心卻安。

七夕同人限韻得仙字

兒女安排乞巧筵，吾曹分韻各爭妍。
人皆歡會憐今夕，我獨心情減舊年。
漫說銀河垂玉宇，且將愁壘寄詩箋。
悠悠此夜渾難遣，空羨佳期帝子仙。

室人沈氏新亡

寄友陳永年

雲山迢遞路悠悠屈指睽違三易秋絕塞風塵同閱歷
長安蹤跡共淹留君歸鄉國稱完璧我尚飄流類野鷗
此日鱗鴻欣有便聊修尺素達離愁

長春花二律

羨爾長春種獨竒庭前月月逞嬌姿似無似有香偏遠
非淺非深色最宜縱爲風霜聊解葉得沾雨露又生枝
名園花木知多少不過繁華在一時

繞砌穿籬放未闌宛如脂粉捻成團枯榮縱爲時時易
鑑賞偏宜月月看幾度幽香風暗遞十分濃豔雨初乾

現成話

三五

四冊黃書

老人只喜春長在富貴憑他愛牡丹

吉祥草

此卉超塵俗青青透碧苔葉雖容易長花不等閒開蘭
蕙堪同調菰蒲莫浪猜爲緣名字好多向眼前栽

客中感懷

舉世茫茫莫我知十年旅況歎淒其迂疏情性拘儒笑
襤褸衣衫俗士欺傀儡難消心上恨文章不救腹中飢
誰憐落落他鄉客肯把疏林借一枝

題舟中美人

淡妝輕泛木蘭橈比處香閨分外嬌紅粉奪將花兩岸
綠雲壓卻柳千條偏呼婢子篷全做低囑篙師櫓漫搖
激灩中央人宛在隨看空歎路途遙

戲和負美人過溪原韻

邂逅相逢悵碧流夕陽望斷木蘭舟蹇裳暫結枝連理
出水新開蓮並頭乍淺乍深心共怯似清似濁影同浮
曾聞嫂溺須援手事在權宜莫避羞

己酉除夕 五十歲

韶華過隙不須論此夕窮年莫浪奔占得春聯呵凍寫

現成話

壬酉四明叢書

約園刊本

釀成新酒帶糟吞整冠向父先辭歲索負無人早閉門
堪笑比鄰錢浪費轟轟爆竹儘黃昏

留餘堂學業和孫大章原韻

最羨良朋聚一堂晨昏學問共相將臨風朗讀書聲遠
對月清吟詩興長花發陽春生筆彩藜然午夜透文光
彙征佇看占茅茹芹藻香聯桂子香

光溪夜雨毛聖佐同舟偶成一律

寒雨淒霏逼小舟今宵爾我類浮鷗安身莫漫憐高枕
促膝何妨擁敝裘雜唱乍聞沙港口人煙雜出鳥山頭

前途愈費篙師力十里溪灘盡逆流

自注沙港口烏山頭俱小溪地名

荷包牡丹

漫隨姚魏殿春光巧把絲條倒繫囊繡口垂垂常結束
芳心隱隱善包藏枝柔葉翠西天竹紅淺香消秋海棠
品類縱非十二客聲名卻許並花王

轉心蓮

一名風轉蓮

繞徑穿籬藤蔓纏顧名須識是訛傳芬芳映日容偏麗
旋轉因風心未堅貌比六郎亦似否愛如茂叔可同然
世閒萬物多魚魯誤想夫憐相府蓮

自注想夫憐是樂府橫吹笛曲名也

現成語

南齊王儉爲相以庾杲之爲長史時人以爲入蓮幕後人訛傳爲相府蓮

三五四明叢書約園刊本

九日苦雨

風雨重陽節淒淒動客思黃花愁似我含淚立東籬

雨中看菊

淒雨悲風日黃花爛熳開若非存傲骨早已萎蒼苔

渡錢塘江

急欲還鄉及早行看看猶近武林城怒濤莫向船頭起
若論子心更不平

春酒分韻得杯字

人生樂事是銜杯趁此春光醉幾回飲盡莫教輕散去
尊前還有韻相催

牛山亭

嶺峻支持歎苦辛青山應笑白頭人獨憐半路涼亭好
坐落頽然嬾起身

斗室吟

兒女攢居殊欠寬若添親友轉身難人家有屋無人住
昔蘇盈庭四壁寒

秋行

現成話

玉圃詞話

爽氣浮南陌攜筇自在行碧波涵雁影紅葉聲風聲野
趣隨時換詩情卽景生眼觀一路稻處處好生成

感懷

老年拙愈拙人我不相侔惟悴銀錢買生涯鬼魅偷漫
勞書咄咄且自學休休喫過虧無數剛剛賺白頭

溪聲

源遠來無際潺潺古共今悠揚輕弄笛嗚咽驟鳴琴不
入尋常耳能消塵俗心連朝聽未厭莫謂少知音

微雪卽晴

滕六聊呈瑞依稀一夜飄積山猶露脊過樹未封條旭
日三竿挂彤雲四野消蒼蒼恩德溥貧士感彌饒

梅蕊

江南春信早梅蕊漸盈枝瘦影初窺月芳心欲露時酸
鹹難度量紅白費猜疑若令歸鞭速家園看未遲

自嘲

鹿鹿江湖上生平何所長忙因詩債累貧爲硯田荒養
命幾杯酒逢人一味狂不知年漸老悠悠過時光

庚午除夕 七十一

現成話

毛西明叢書

約園刊本

一歲尙蹉跎其如此夜何詩囊窮不廢酒債老偏多壽
或徵于蠹豎還受得磨年華新舊時吾欲問羲和

墨竹祝宣遇皇六十

與予同庚

方韻兼中表詞壇夙唱酬庚申欣共降甲子
寫淇園竹聊當海屋籌相期榮晚節長許祝千秋

月夜口占 調西江月

睡醒卻緣酒醒月明疑是天明總然不寐且披襟閒步
空階小徑 花影看來半夜漏聲聽去三更非關戒旦
警雞鳴自覺有些老景

乙丑春苦雨 六十六

淋漓彌月奈何天
春色蹉跎每自憐
弱柳綠垂低緘悶
天桃紅褪暗舒妍
要知雨到清明候
卻驗雷鳴驚蟄前
穿屐出遊微足力
小窗呆坐學枯禪

慰友下第

繡虎文章早擅名
頻年場屋阻鵬程
漫言當局懷難遣
并使旁觀歎不平
姓氏豈真吾夾袋
司衡何竟謝雙盲
要知大器成偏晚
得失而今且看輕

詠牆外筍

現成話

天四明鐵書

納園刊本

葦密幽篁偪渭川
根深處處自行鞭
一莖翠石來牆外
三寸穿苔出路邊
此日莫嫌低礙足
移時試看立齊肩
合苞抱節從今始
到得成林別有天

白鬚

老景催何急
髭鬚白漸稠
大都虧氣血
多半過窮愁
染固非長策
刪之無可留
追思年少日
倏忽似川流

詠老少年三絕

名花春日羨成叢
蜂蝶摧殘頃刻中
何似幽姿持晚節
臨風不用掃殘紅

金粟香消菊未黃眼前風景覺荒涼非他點綴秋園趣

莫助詩人喜欲狂

杜詩漫卷詩
書喜欲狂

丰姿豔冶勝從前應得名呼老少年嗟我頭顱今半白
紅顏似舊已無緣

秋晚偶成

性懶常貪睡秋來殊不然晨光洵可愛野趣更堪憐露
冷蛩聲咽月斜花影偏箇中能領略清興得詩傳

上元夜指畫月竹換酒

寫得三竿竹分來一瓊春墨痕猶在手酒氣便侵唇豈

環成話

天四明集書

約目刊本

是輕君子原非學俗人今宵風月好清影度東鄰

育王寺題指畫竹贈嵩來上人

多載禪交面未謀相逢此日話綢繆自憐老大懷投筆
不學前人寫白鉤

沿溪繞徑盡負當清影森森徧上方堪笑遠公看未厭
素箋曾索畫瀟湘

重過育土寺贈嵩來上人

不寒不暑小春天重訪招提續舊緣筆墨輸君詩與畫
煙霞親我俗如禪也知來往無多路卻恨睽違已隔年

記取娑羅閣下月今宵又見一回圓

文亭夜泊

江流恨不轉客路費淹留寒月遲遲上疏星點點浮篷
艙低礙足襪被重埋頭輾反方成寐喧聲競放舟

曉發

侵晨忙解纜鼓棹大江行趁此湖初長欣逢天又晴方
言隨地易詩興不時生作客由來慣渾忘漂泊情

奈兒畢姻

早憑冰語結朱陳喜附絲蘿親上親十載原同兒共女

現成話

三四明話考

約園詩本

兒媳年失怙時自幼撫養百年惟願友如賓但能事事光前業何必
區區論出身井臼已操非一日不須着眼看新人

分盆竹

岳竹叢生過百竿何妨分作兩盆看將多就算栽偏易
借舊更新事不難解籜枝枝疏影出行鞭各各放芽寬
此君雅合東君意位置隨方與未闕

立夏

東皇纔解令赤帝又司權改火方鑊燧更衣漸脫棉笄
添齋有味飯雜豆偏妍小榻南窗下薰風動醉眠

詠菊

羣芳豔冶此時萎何似幽姿簇滿籬傲骨素存甘冷落
秋光獨占肯差移有香邀我穿三徑得句憑誰贊一詞
若使黃花能解意自酬自唱卻攸宜

春暮訪孫大章見殘牡丹索酒以賞同人限九酒
有朽受五韻卽席六首

九十春光過八九名花未侑騷人酒色香臺畔漸成虛
蜂蝶枝頭不復有分韻忙將句揣摩索酒先潤腸枯朽
深君詩律頗森嚴席上莫相私授受

現成話

三四明叢書

約園刊本

十分興致消磨九那得閒情對花酒幾想天香何處來
忽思國色君家有主留玩客只如平常心待詩人猶未朽
卽景寧辭醉一回新醪滿酌當前受

爲花一日腸迴九爭忍花前不酌酒雨雨風風可奈何
紅紅紫紫成烏有陽春三月自難尋韻事千年堪不朽
多少豪華富貴家這般趣味幾曾受

鬢邊白髮十將九虛度一生詩共酒春去春來句轉多
花開花謝杯長有況憐國色漸凋零猶幸高朋偕老朽
從此相須互琢磨殷勤指教吾謙受

險韻同拈偏限九橫思多飲東君酒尊前莫訝豔香消
筆底還憑佳句有起舞行吟似蝶狂敢斜沈醉如花朽
一時酬唱與俱豪七步才名誰獨受
六律吟成俱用九卻將心血換杯酒浮詞塞責我徒多
好句超羣誰得有要識詩思競短長難禁國色無榮朽
恆言花下占風流此日焦勞應共受

鬻書

賣盡行囊日惟餘數卷書半生深愛者一旦竟沾諸檢
帙心如失開窗案已虛青燈今夜裏兀坐暗欲歎

瓊成語

三四明叢書

約園刊本

九月望後籬菊未開作詩催之

轉眼風霜豈未知猶然含蕊立東籬我思花亦人相似
傲骨從來不合時

託友人寄家信

得便修書託付頻依依目送暗馳神時乖漫說離鄉賤
骨傲難辭到處貧縱有萬金歸故國曾無一物獻尊親
客中況味君俱識細向家人爲我陳

自注杜工部贈鄭
鍊赴襄陽詩囊無

一物獻尊親

憂泰兒病

伏枕淹淹三月餘也知病久必成虛一杯藥餌猶難措
二豎爲育豈易除才與不才終是子苦而加苦莫如子
只今秋盡冬來候安得滄波起涸魚

哭泰兒三律

生孩甫十月冒險別關東車馬長途上風霜廣漠中
卮如累卵飄泊似飛蓬誰料今冬病索子白髮翁
狂愚天賦就僊蹇得誰倫無善更無惡不貪亦不嘔頭
顯堅壽骨泉路竟慈親痛煞臨終語惟憂邁父身

際此凶荒歲人情到處難生涯甘澹泊骨肉苦傷殘泥

現成話

三三四明菴書

約園刊本

或有時盡心終無日安從茲花下酒不復話團圓

哭泰兒二絕

生在他鄉死故鄉而今形跡又何方黃泉聞說無歧路
定見當節親阿娘

親朋訴苦解予癡逆境原來都有之覓句強尋消遣法
吟看總是斷腸詩

清明卽事三絕

春雲漠漠雨家家欲破愁團酒莫賒忽憶今朝寒食年
呼兒插柳記年華

佳節清明自古傳那堪老景值凶年
廚頭每絕糧已曩何待拘拘說禁煙

往常畫舫與笙歌拜掃紛紛然此日多今歲墓門皆孔棘
一時人鬼盡遭磨

老景

莫論先天與後天衰年無復似青年
倍嘗患難身幾喪久歷風霜骨愈堅
造惡不須多念佛長生何用苦求仙
將來歲月如加我擬把綸竿向水邊

感懷

現成話

三四明發書

續恩刊本

鬚鬢皤然心尙雄芒鞋依舊逐西東
昔言筆墨隨人老不料饑荒趁命窮
哭子經年明欲喪作翁近日耳原聾
似此世守生涯在歲月由他似轉蓬

磨刀雨

五月十三日

此日磨刀雨滂沱勢似傾光芒飛電影
淬厲發雷聲漫說妖魔靖還令神鬼驚
大田甘沛澤千古濟蒼生

哭毛海如門徒

授受經今三十秋師徒氣誼最相投
豈期燭月離鄉井忽報微疴喪海陬

染瘧卒于象山

哭子淚窮旋哭汝浮生看破

竟浮漚老人縱謂餘殘喘累見烏頭棄白頭

訪楊克諧大旱步行口占

久旱川流絕徒行不自憐好將河作路竟以腳爲船辛
苦酬知已強梁學少年迢迢六十里到得夕陽天

歸路更成一律

歸路仍來路何難合眼行芒鞋着地穩竹杖向天撐莫
漫欺龍種猶能作步兵清吟消寂寞腹稿片時成

癸酉除夕 七十四

費盡心思欲救飢終無妙算解然眉折將柏葉還謀酒

現成話

三五 四明叢書

約園刊本

尋得梅花且賦詩艱苦尙憐出嫁女悲傷終爲早亡兒
過年年過年仍在辭歲原來不用辭

亡室七十生日

未許同諧慶白髮悅辰空自說添籌百年不醒江南夢
萬里長含塞北愁漫道婺星輝七秩追思懿行重千秋
而今乞爲兒孫計先保區區筆不休

甲戌除夕 七十五

薪水勞勞竭蹶支縱云除夜亦如斯送窮依舊窮還在
到老何曾老得知碌碌半生多女累昏昏三載喪兒癡

昨朝已布東皇令又見春風拂鬢絲

多女吟

女生雖外向憎愛實無偏已屆成人候行將待字年多
些纏腳帶省卻羅頭錢願得乘龍譽還期宅相賢

喜外孫汪國入泮

神童推繼美少少卽能文縱謂由家學何曾有異聞願
予添白髮看爾步青雲泮水新鱗甲秋高自冠軍

兩宿于別駕署

風雨連朝夕躊躇歸未能官心清似水客枕冷如冰酒

現成話

壬子四明叢書
約園刊本

力更深盡詩魂夢轉騰耳邊檐溜雜銀漏聽無憑

大水泛舟

連日風兼雨茫茫四野平屋疑水面起船向樹頭撐無
可尋河道奚從覓路程篷窗舒老眼浩蕩自心生

寒夜早臥

天冷莫如今早眠避冷侵窗明知月上人靜覺更深酒
向牀頭問詩從被底吟老妻聊捧足無復少年心

乙亥除夕
七十六

尙不知年老何須論歲除壺觴謀婦酒燈火謀孫書夏

屋終浮寓茅檐憶故居但能薪水給莫歎食無魚

丙寅除夕

年六十八

走盡天涯得少休漫勞守歲問更籌驚心爆竹催詩句
轉眼屠蘇入酒甌癡子何曾知喜懼老妻不用話風流
因今聚處同歡笑轉憶當年塞北愁

自注樂不思苦道
記留元醜沈氏

春分日大雪

春光一半度新年猶作寒威雪滿天飛入殘梅皆五出
壓將弱柳盡三眠且拈凍筆償詩債漫向空囊探酒錢
爲問陽和奚日布煦然曝背小窗前

自注凡花五出惟
雪花與蒼葛梔子

現成語

三毛四明叢書

約園刊本

花蝴蝶花六出若
春雪則又五出矣

栽荷口占

一彎新藕昨移來正值春分手自栽缺口瓦缸同曲沼
及腰石几作瑤臺葉應貼水田田出花待薰風朶朶開
此日幽情偕茂叔就中紅白漫相猜

酒價高

詩家惟酒助機神酒價頻增歎苦辛盡解杖頭殊欠飲
零沽市上愈非真掃愁先引愁來路敵冷反添冷逼身
只有豪華儘日醉杜康偏害是窮人

因病戒酒後復飲

也識酒能病戒之病愈深登途脚易軟伏枕夢難尋悶
坐渾無力豪吟恨錯音愁城何日破寒氣不時侵但有
遊天命毋庸信酒箴飲泉乃上古享壽只如今一斗婦
藏久相將再滿斟

現成語

美

四明叢書
約園刊本

現成話

羅品山名品以寫真世其家能畫竹不甚工能作詩更
不如其畫竹然其人在康熙中代父戍鐵嶺衛及歸年
已五十至性人也四庫著錄潘孝子鐵廬詩集今鄭重
存此橐亦其意耳橐中有外孫汪國入泮詩國字菱湖
以能文稱有空石齋詩文集戊辰六月十一夕徐時棟

現成話

跋

一

四明叢書
約園刊本

徐柳泉先生手編四明叢集曰初編三十五卷曰二編
七十七卷曰三編十二卷又曰小本十卷凡五十種一
百三十四卷四十冊藏於煙嶼樓時清同治七年六月
也蓋得之於慈谿鄭氏二老閣爲多故著錄者惑人幾
居其半馮君孟顓記其目錄於策今春北平圖書館編
纂趙萬里字斐雲寓書於孟顓謂此集已歸日本東方
文化圖書館矣尙可假錄壽鏞爰出百金先就未刻者
鈔之因得羅孝子昂現成話亟校刻焉其他猶未遑也
羅詩昔人以爲未亡然如巖花帶笑頻迎客野鳥忘機

現成話

跋

四明叢書

約園刊本

不避人花下酒杯窮快活畫中詩句老風流則晚唐之
音也豈惟近於宋人詩貴率真固不必以典麗貴也綜
厥生平坎坷晚景讀其詩想見其黃楊厄閭蒼蘚盈庭
憔悴生涯酸鹹難度嶙峋傲骨與時不諧者矣再綴數
語以誌景行癸酉秋張壽鏞跋